

近代中國史料叢刊第五十五輯

沈雲龍主編

孫文定公（嘉淦）奏疏

孫鑄編

文海出版社印行

嫡孫孫 鑄校對

卷一京任

奏疏目錄

代耆民謝表

稽查匪類疏

嚴核優劣疏

謝銀庫効力疏

恭謝 天恩疏

遵旨陳奏疏

太學規條疏

謝姪中式疏

謝恩陳情疏

覆奏彭案疏

酌改律例疏

12/10/19

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



代耆民謝表

奏爲恭謝

天恩事雍正八年十二月三十日內閣大學士張廷

玉交出

恩賜普濟堂等處銀四千兩欽此欽遵臣謹發給普

濟堂銀一千五百兩育嬰堂銀一千五百兩養
濟堂銀一千兩隨據三堂管事之紳衿耆民薄
有德何國棟高以暄劉國祥張嗣琮僧人元章
等呈稱欽惟我

皇上

宏開壽域

懋建春臺

引養引恬共載堯天廣運

並生並育咸依舜日舒長

予萬物以安全猶厯如傷之念

納四方於在宥彌深若保之誠以普濟等處養老

恤貧育嬰一堂撫孤長幼繫四民之無告實王

政之所先爰在元年

時頒勸善之詔嗣於屢歲疊沛發帑之

恩茲當新春倍施

愷澤含生胥慶快衽席之同登負襁借來覺笑啼
之俱適有德等身依首善運際郵隆喜

天慈之廣被覺啣感之彌殷謹合詞陳請祈爲轉

奏等因前來臣伏念大德曰生普立萬彙之命博
施惟聖宏參兩大之功惟

一人統乾父坤母以成能斯至治廣老安少懷之全
量宣和布德旣徧及於兆民發政施仁尤加意

言二
於無告六十以上

上所養也十歲以下

上所長也無復號寒解衣衣之無復啼饑推食食之

雖

皇上普天高地厚之仁行慶施惠非欲小民之歌頌

而百姓受淪肌浹髓之

恩銘心徧德實出至性所同乎臣職司京尹與有養

民之責欣逢渥澤同切戴

上之忱爲此繕摺敬達輿情謹

奏

奏

奏

奏

卷一

一

一

稽查匪類疏

奏爲稽查匪類以靖地方事

臣蒙

皇上聖恩畀以京兆重任日夜戰兢勉圖報稱屢見
文移內稱五城地方旗民人等迷失子女者甚
多臣細閱其年貌皆係八歲以上十五以下並
非孩提無知迷路必有打花拐帶之人計此等
人竊攜年幼子女何能即時遠遁必有窩藏歇
宿之地常細詢之寮屬僉云大城南城居民舖
面俱有保甲尚可清查惟城外四鄉大小墳塋

之內皆有看墳人戶牆高樹密易于藏奸而看
墳人戶不隸保甲不服地方官稽查且房屋閑
空往往容留過客此中或有不肖之人窩藏匪
類亦未可定臣之愚意以爲看墳人戶宜著令
有墳之家開明姓名男婦幾口報明地方官并
令出具保結不許容留匪類編入附近村鎮內
令村頭甲長不時稽查如查出有容留匪類者
除本人治罪外併出具保結之人亦有處分如
此則窩藏無所而匪類可以杜絕矣再臣自蒞

任以來陸續緝拿抽割物件之竊賊甚多其中有楊三十六汪四汪五等口供約畧相同皆云堆子上人容留伊等其所以容留者非止貪圖零星物件大約伊等抽割之時堆子上人從旁觀看俟其得手卽將失物之人與竊賊一齊拴鎖聲言稟官而又不卽稟送失物之人以所失有限不欲見官曠日誤事則轉哀求釋放甚而出錢賄買始得脫身是失物之人又重出錢而竊賊安然無事且失物之人既不敢言則此事

再不得犯此竊賊所以甚多也臣之愚見以爲順天府及五城衙門如有拿獲抽割之賊必確訊其于何街巷行竊并嚴審其與堆子上人曾否通同如無通同情弊則將竊賊照例發落外移文九門提督查此街巷係何堆子所管將該管兵治以失于覺察之罪鞭責示懲如審有通同口供卽將竊賊解送刑部提拿堆子上人一并嚴審如果得實則彼緝盜之人乃敢養盜自當處以重典懲一儆百如此則步兵皆知畏法

自必力于巡緝而

京城之內可以道不拾遺矣臣受事日淺其所籌畫未必盡當但區區之心實因地方起見勉思所以肅清之方伏祈

皇上聖鑒施行謹

奏

三

一

二 專才

嚴核優劣疏

奏爲嚴核優劣以正風化事臣於本月二十五日
接得正定縣詳文一角件因雍正四年九月間
正定縣紳衿吳方來等公舉武生李蕃孝友端
方允宜旌獎該學教諭穆元肇署訓導任之正
據呈詳縣知縣李伯正加結申詳前學臣吳襄
批准旌獎在案突有李蕃胞兄李芬現任京營
海子千總具呈稱伊弟武生李蕃曾以穢語汗
辱伊父李鍾麟氣憤成疾李蕃懼逃而李蕃在

家並不請醫調治亦不供給飲食以致伊父身故指伊叔李鍾傑証且列告其服中生子窩盜詐銀等事經前學臣吳襄批正定縣查審茲據知縣李伯正具詳到臣稱李芬在任並不到案質審朦請結案臣竊思絀劣賞優學政首務不孝不弟風化攸關若李芬所控果虛則是以胞兄而誣陷其弟且汙及其父此名教所不容何可復居官職若李芬所控果實則是李蕃既不孝於其父又見嫉於其兄大節有虧而教官濫

請旌獎不無受賄情弊似應將京營千總李芬
正定縣學教諭穆元肇署訓導任之正均令解
任與案內人犯一併質審務期虛實明而是非
判使人知孝弟之當重而舉報優劣亦不敢蒙
混草率庶於人心世道有所裨益此臣愚昧之
見不敢不據實陳

奏其應否

題叅之處伏祈

皇上指示臣謹

奏

奏

奏

奏

謝銀庫効力疏

奏爲恭謝

天恩事本月貳拾壹日科抄到部奉

旨孫嘉淦從寬免其治罪著在戶部銀庫効力行走

欽此欽遵臣聞

命之下感激涕零惶愧無地伏念臣賦性拘迂學識

淺陋幸蒙

皇上天恩保全訓誨數年之間備位侍郎厚沐

隆恩毫無報稱乃於引

見教習之時又復固執謬迷糊塗狂躁有忝臣職深負

聖恩臣之罪戾擢髮難數又蒙

皇上如天好生之仁曲加赦宥俾得自新

天恩高厚亘古未有從此有生餘年皆

皇上所賜臣犬馬之齒未衰葵藿之心彌切惟有捐

竭頂踵仰報

聖恩於萬一耳謹

奏

恭謝 天恩疏

奏爲恭謝

天恩事臣在吏部侍郎任內所有刑部侍郎王國棟

冒領俸銀俸米臣應分賠一分今奉

恩旨全行豁免伏念臣狂妄愚迷身負重譴幸蒙

聖恩赦宥在銀庫効力行走

天慈浩蕩再造重生今又蒙

恩免賠銀米臣受

皇上天高地厚之宏仁實深捐竭頂踵之隱念矜全

既逾於常分感激什倍於寸心犬馬戀

主之忱涕零不知所云爲此恭謝

天恩謹

奏

遵旨陳奏疏

奏爲遵

旨陳奏事雨澤愆期

聖心焦勞

天語諄切詢問臣工臣仰承

諭旨寢食不安而智識短淺不能勦贊

高深謹因

聖諭所及而更推廣之伏讀

上諭每年伏暑之時停訟停徵久有成例况今年五

六月以來直隸山東河南等省雨澤愆期甚覺
亢旱尤宜寧人息事感召

天和或恐庸劣有司不遵定例借端滋擾着該督撫
通行申飭時加訪察如有生事擾民者卽行題
叅從重議處特諭欽此具見我

皇上視民如傷之至意但臣查近例各處錢糧分作
十分每月徵比一分五月完半十月全完既有
每月徵比分數則錢糧疲累之處恐有盛暑敲
朴之事竊思新正令節盛暑農忙皆宜與民休

息似應將正月六月槩行停徵七月完半十二
月全完前者陝西一省蒙

聖恩照此例行伏願益廣

皇仁通行天下則普天率土皆戴

聖德矣伏讀

上諭仲夏以來京師亢旱雨澤愆期朕心焦勞無時
或釋因時刑獄上關

天和法司衙門此時尤當加意除重罪監候處決人
犯不應寬釋外凡有牽連待質及候審候結輕

罪之人將來擬罪不至于死而羈禁在監者著刑部堂官逐一速查應完結者卽行完結應保釋者卽行保釋俟處暑後再行審明結案八旗高牆拘禁人犯著該旗大臣亦照此速行辦理毋得稽遲至于枷號人犯除情罪重大奉旨永遠枷示者不宥外其有限期未滿枷號之犯照舊例暫行保釋于處暑後補枷以滿期限刑部八旗順天府五城御史一體遵行特諭欽此具見我

皇上軫恤刑獄之至意臣思近在

畿甸固已幸沐

天慈遠在遐方亦宜均沾

愷惠仰懇

聖恩勅下各省督撫嚴飭各屬凡有沉滯獄底之人
無論已結未結令其覆查有無冤抑速行清理
省釋併令刑部會同九卿查雍正元年以來發
遣之軍流人犯逐案詳議如有法雖難寬而情
尚可矜或人材有用而棄置可惜者分別具

奏倘蒙

聖恩寬免准其還家則遐陬僻壤之人皆霑春風時
雨之澤矣再臣于本月十七日面承

聖訓以臣職司京尹凡有地方應行事宜令臣具奏

臣再三思維凡

皇上所行政令實無不便于民之處惟查各處關稅
鹽稅及落地雜稅并開荒陞加錢糧日見其增
本年二月間蒙

皇上特降諭旨以各省落地稅銀贏餘倍於正額恐

不肖官員希圖優敘恣意苛索以多爲勝無所
底止令吏部定議處分在案具見我

皇上體恤民隱之至意嗣後苛索增報希邀優敘者
自知儆惕但恐有前官已經報出之項後官不
能足額又不敢遽減以致有苦累商民之處亦
未可定請

旨勅下各省督撫將從前一切增報稅銀及陞加錢
糧詳悉確查如有不能足額而苦累商民者據
實題明酌量裁減如此則羣黎百姓永無怨咨

矣凡此數條皆臣一時愚昧迫切之見是否可行伏祈

睿鑒謹

奏

太學規條疏

奏爲敬陳太學規條仰祈

睿鑒事恭惟我

皇上懋昭峻德覃敷文教尤加意于成均祭酒司業
既有專官又

命臣嘉淦總司教事欽奉

上諭太學爲教育人材之地必董率有方斯俊乂輩
出臣跪讀之下欣悚交深日夜思竭一得之愚
與諸生講明切究以仰副